



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

§. 1. Aëris accusatores & commendatores.

urn:nbn:de:hbz:466:1-45686

C A P V T V.

Ventos, nubes, pluuias, pruinas, grandines, lucem, & tenebras,
& quidquid, in aëre, malispeciem habet, ab hominibus
habere; ac Dei potentiam & aequita-
tem prædicare.

L.

Tertullian.
I. contr. Va-
lentinian.
cap. 23.
Senec. 2. na-
tura. cap. 6.
Plinius. lib. 2.
cap. 38.

S Atis dictum de aëre videri potest, postquam de tempesta-
tibus, in aëre natis, dictum est. Sed restant multa, in com-
pendio, percurrentia. Aër enim reciprocandi spiritus spa-
cium, non solum ad respirandum datus est, sed æquè etiam inter
morborum ac sanitatis caussas refertur; &c, vt Seneca loquitur, ex
aëre omnis inconstantia tumultus q̄ est. Eo astante, ait Plinius & con-
calefacto, astant omnia, ex eo autem frigefacto nubila, grandines, pru-
inas, imbræ, procællæ, turbines, & plurima mortalia MALA. Verùm
de morbis, deque pestilitate, aëris infectione, ac perustis veneno
ventis, propagatâ, alius erit dicendi locus. Alios, cum Plinio, con-
tra frigus eius; contra calorem alios, alios contra alia queri audi-
mus. Quid tum? sunt, qui frigore delectantur; sunt qui capiantur
calore; sunt, qui alterutro, sunt qui vitroque, ad virtutem du-
rentur. De Lappis & Finnis Septemtrionalibus scribit Zieglerus,
in Scandia, aëris eos frigidissimi libertate non gaudere tantum, sed
& juvari adest, vt, quandocunque, in Sueciam, negotiorum caussa,
veniunt, nunquam domos intrent, sed sub dio tantum versentur,
atque cubent pellibus inuoluti. Obesi, & alij quoque non obesi,
hieme, &, dum bruma riget, sunt saniores: resque omnes frigido,
quam calido cælo diutius asservantur.

II.

Aristotel.lib.
Meteor. ca. 9.
10. II. 12.
3. Reg. 17. 1.

At ex aëre pruina descendit? Quid tum? descēdit & ros, in tene-
ris pecori gratissimus herbis. In aëre spiritus procellarum? In aëre va-
pores, & ex ijs nubes; ex his pluuiæ, niues, grandines, si magis ma-
gisque constringantur? Quid tum? ibi est & officina fertilitatis:
inde imbræ, velut per cribrum, guttatum terram irrigant; inde ni-
ues, semina, tanquam lanæ, per hiemem, contingunt. Et qui nescit,
quid sit pluuijs carere, Eliæ historiam legat, in qua inueniet has
minas & pœnas: Vivit Dominus Deus Iſrāel, in cuius conspectu flo-
res erit, annis his, ros & pluunia. Alibi autem, inter beneficia, im-
bres